## LA DESCOVVERTE

des Eaus

# MINERALES

DE CHASTEAV THIERRY, & de leurs proprietez.

Par CLAVDE GALIEN D. M.



A PARIS,

Chez CARDIN BESONGNE, au Palais, en la grand' Salle.

M. DC. XXX.

արայիայացացացարարություրություրություրությարարարարարարարար

The Control of the Co

MERCH



### A MONSEIGNEVR

# LE COMTE

DE SAINCT PAVL, DVC ET PAIR DE FRANCE, Gouuerneur general pour le Roy en fes villes & Prouince de Tours & Touraine, Duc de Chasteauthierry, &c.

## ONSEIGNEVR,

Voicy des chastes Nymphes qui rompant les seps de l'appanage naturel de leur sexe, se veux dire de la timidité, se viennent comme à leur Dieu Tutelaire presenter aux pieds de vostre Grandeur, pour se mettre à l'abry des vents impetueux de la de-

traction, qui a accoustume de soufster & sifler contre la pudicité de leurs semblables; le desir qu'elles ont de donner à cognoistre que de leur sein ainsi que d'vne corne d' Amalthée sortoit l'agreable diversité de beaucoup de biens les a d'une douce violence attire de leur froidureux empire pour les faire essorer par le royaume spatieux de ceste Deesse de l'air. Le moindre de vos subiets, & sur tous de ceux de ma codition, leur pouuoit aider das le vol hautain de leur entreprise, 🔗 leur faire tenir vne route plus esloignée du vulgaire : elles se sont neantmoins abandonnées à la foible peinture de ma plume, & ont resiné leurs volontez entre les miennes, sous l'espoir que ie leur ay donné que vous ne leurs desniriez on accueil tres-desirable. Ie soay bien que vostre protection est un asyle bien plus asseuré que n'estoit pas le paruis de ce temple de Grece, où on fe pouvoit guarantir de tous les sinistres accidents qui pouvoient supplicier les mortels! I'y ay donc recours tout le premier , on y conduis

#### EPISTRE.

auecmoy ces belles, asin que fauorisez de vostrebien-veillance nous nous puissions targuer destraits asscurez, & asserez d'une piquante ealomnie, & tesmoigner à la posterité que ma plus supréme ambition consiste à me dire,

### MONSEIGNEVR,

Vostretres-humble & tres-obeissant seruiteur, C. GALIEN,

# okokokokokokokokokokobok

# AV LECTEVR.

Ourtois Lecteur, souché du zele de ta fanté ie te fais part de ces mots touchant nos eaus minerales, afin qui apres en auoir eu l'aduertissement, sur en puisse servir dans la necosité. Si le discours de ses merites, co au subiet qui demanderoit beaucoup de lignes il ne ten saut pas estonner, la cognoissance que è ay de mes dosfiauts, co le peu de temps qu'il y a que nous en vosos me seront von passort saurable, co donneront occasion à nos neueux de te satisfaire dauantage: reçoy en attendant ma bonne volonité, qui est la gresse des victimes, co la monnoye du plus francaloy entre les braues courages; que si un ne le fais à auray ceste consolation à auoir os é ci est asses, a sur present de sons de la sur os courages; que si un ne le fais à auray ceste consolation à auoir os é ci è est asses.



## EN QVEL LIEV SONT LES SOVRCES DES EAVS Minerales de Chasteauthierry.

O v T ce qui se voit sur le theatre du monde est si fore sujet à la revolution, que de chercher de la constâce que

dans la vicissitude il est grandement disficile, aussi voyons nous que ces miraculeux merueilles, ou merueilleux miracles à qui l'Antiquité auoit donné la naissance pour eterniser le souuenir de leurs autheurs sont maintenant dans l'abisme du neant. Tout s'enfuir auec le sildenosiours, & rien ne fait tant de resifience à la sour de lime de ce pere des siecles que ce qui fait à tout propos : c'est 2

commeie croy ce seul motif qui a donné l'enuie à tant de doctes plumes de s'embarquer pour perpetuer leur nom en la recherche de ce fuyard & labile element, ou la nature dans son muet langages'est monstrée feconde & plaisante en la varieté, failant paroistre ces eaus, chaudes, froides, tiedes, & les reuestant d'vn nombre sans nombre de qualitez tantost nuisibles, tantost innocentes, tantost admirables, & tantost tres-souueraines pour adoucirles maux qui nous vont homicidant. Or elle a tellement prodigué ces dernieres à nostre France, qu'en beaucoup de ces prouinces elle a fait ressentir la sumptuosité de ces largesses, les bains de Bourbo Lancy, les eaus de Forges, de Neuers, Sainct Pardoux, Vicy en Bourbonnois, & les autres desquelles on a escrit en sont de tres-probables telmoings, les nostres seules n'ont point encor pris l'essor pai

3

par l'air de ce florissant Royaume, pour auoir esté inconnues à la curiolité des esprits. L'ay donc dessein non pas de cingler furle milieu de ce liquide cristal pour en descrire les forces, ce seroit m'empestrer dans l'estendue d'yn discourstrop laborieux que d'en vouloir tenter l'Hydrographie, veu que ceux melme à qui ces belles Nymphes auroient permis de sauourer à longs traits le delicieux Nectar de leur fonteine Cabaline y trouverroient les nœuds Gordiens de mille difficultez; ie cottoyeray feulement leur bordage afin de faire voir à ceux qui ont beloin de leurs faueurs qu'on peut auec vn aussi heureux luccés appendre les vœux à nos chastes Nayades, & se desalterer de leurs moites liqueurs qu'à pas vne des autres prouinces: puis que les mineraux de bonne rencontre qui donnent la

B

faculté aux eaus potables medicamenteuses (comme sont celles de Neuers, Forges, &c.) dans leur discordants accords, s'accordent & concurrent dans le meslange des nostres auec vne si inste symetrie, qu'on les peut sans preiudice faire entrer en parangon auec les precedentes.

Sur le bord de ce poissonneux fleuue de Marne qu'on peut nomer vne des mamelles de cefte ville l'abregé des merucilles du monde, s'esleuent plusieurs montaignes embellies de toutes les graces dont la nature puisse enrichir vn terroir, tant pour l'abondance des fruicts, delicatesse des vins, que pour la fertilité du solage: Ce fut fur le haut d'vne de ses colines que iadis Thiery fit edifier vn magnifique chasteau (orné d'æchitraues, plinthes, balustres, astrogales, metopes, rondeaux, & autres accompagnements) qui n'auroit plus maintenant que les marques déplorables de ces ruines, sans la liberalité de nostre Prince qui luy redonnant l'estre, le fait mettre au nombre des plus accomplis bastiments de ce siecle. Dans la mesme pente de ce tertre paroist vne petite ville assés populeuse, ou Belonne, Themis, Astrée, & les Charittes president auec beaucoup de maiesté! Ces edifices sont beaux & bien esleuez, son assiete agreable, & sa veue tres-plaisante : ces habitants font curieux en leurs habits, courtois en paroles, polis en leur entretien, complaisants en leur humeur, gentilsen leur conversation, & civilisez dans leurs actions. C'est dans le milieu de ce beau seiour, & dans le pied de ce mont où ce font veoir les fources de nos fonteines minerales, tellement riches en leurs emanations, qu'on est contrainct durant les rigueurs des glaces de donner passage par des conduits sousterrains à la grace des gazoullis de ces ruisseaux argentins, qui rendroient les ruës par où ils coulent tout à faict in commodes sans cét artifice.

Depuis quel temps on a commence à vser de nos eaux Minerales:

ne nichte ville affire ennulmile auf

L'Ay cherché depuis l'intention que i'ay conceue d'enfanter ces mots, tous les moyens imaginables que i'ay peu pour me rendre certain du temps qu' on a fait la descouuerte de nos sonteines, asin de contenter la curiosité de ceux qui donnant relasche à la pointe de leurs conceptions se diuertiroient dans la lecture de ceslignes, mais montrauail a esté in-

fructueux, & n'ay sceu trouuer personne qui m'ait peu donner aucune Satisfaction! il me suffira d'auerer que de temps immemorial nos ancestres onteu la cognoissance de leur fleux, voire il est assez peremptoire qu'autrefois l'ysage leur en a esté familier pour emousser l'aigreur des incommoditez qui les persecutoient : car nous voyons à sept ou huict pas de leur source vne caue fort bien voûtée ( où paroissent des reliques de l'antiquité, que le temps qui mine toutes choses n'asceu encor mener dans la demolition) où il y a tousiours vn pied d'eau pour le moins, & nage ordinairement sur sa superficie comme vne toile d'Araignée fort espoisse, & dans le fond vne bouë rougeaftre & orangée. Nous auons donc seulement comencé depuis enuiron trois ans à nous en seruir, poussez par les

persuasions de plusieurs qui en auoiet gousté, mais sur tout par le Diuin Genie d'yne vertueuse Dame qui se lassant quelquefois dans l'embarras de la Cour, se va desennuier en vn sien Chasteau assez proche des eaus de Pougues: or passant par nostre ville en ce temps là elle y fut retenue quinzeiours yn mois parla grandeur d'vne chaleur contre nature allumée das les entrailles de son fils aisné, c'est pourquoy dans ces pourmenades ordinaires admirant dans le milieu de nos ruës par lesquelles coule ce bel ornement de la nature, les pauez grandement rougeastres, & teints ou peints naturellement par la vertu de nos eaus, elle s'aduisa de nous en parler, & de fait apres plusieurs visites que nous faisions pour voir la disposition de celuy qui viuoit plus en elle qu'en luy meime (puis que la mala90

die est vne viuante mort, ou plustost vne mourante vie) elle nous dit pour chose infaillible que nostre moire element cachoit dans la froidure de sa substance les mesmes proprietez des eaus de Pougues , nous en enuoyasmes querirsur le champ pour en fairel'espreuue auec la noix de galle, & en vn moment nous trouuafmes que le beau cristal de nostre humeur liquide apparut metamorphole dans la sombre couleur de la fleur que le mois de Mars voit naistre: Estonnez de cest euenement apres quelque entretien nous nous en retournons flattez de l'espoir d'vne meilleure attente, en intention dans les occasions d'en esprouuer les merueilles, ce qu'ayant fait le mesme esté en plusieurs maladies auec vn succés tres heureux, nous en rapportasmes les effects à ceux principalement qui

auoient besoin de leur aide, lesquels l'année suivante cognurent dans leur breuuage nostre experience veritable. Nous en fismes gouster en la melme saison à Monsieur Brayer, vn des plus auants dans l'estime entre les Medecins de Paris qui s'estoit transporté pour quelques affaires en ce pays qui en aduoua l'excellence, & en applodit l'vlage auec toute ingenuité. L'année derniere l'Abbesse de Saincte Perrine reuenant des eaus de Forge auec vn Medecin de Compiegne qui luy venoit de conduire, seiournerent deux ou trois iours en ceste ville, y estant conuiez par Madame de Luxembourg Abbesse de la Barre, laquelle ayant appris le motif de leur voyage, leur declara que nous en possedions d'aussi pretieules, & le lendemain apres leur en auoir fait boire, ils confesserent d'yn commun accord

accord qu'elles esgalloient pour le moins les precedentes. l'ay sceu que Monsieur d'Argouge tres pieux & vertueux personnage Abbé du mont Sainet Quentin, & voisin de ces quartiers lors que le Soleil nous fait ressentir les ardeurs de la Canicule, auoir eu la curiosité d'en faire distiller pour en faire voir les forces à quelques Medecins de Paris, afin de s'en pouvoir servir auec plus d'asseurance & de liberté.

Des Mineraux qui donnent la faculté à nos Eaus.

Rien ne dóne tant de fatisfaction à nos esprits que la varieté, & rien ne touche tant nostre veuë que, la veuë des nouueautez, leur veuë, nous rauit das le ciel de l'admiration, & cependant si nous jettons la veue de la pensée, sur la matiere de tant de bigarrure, nous cognoistrons conduits de la veue de nos sens auec les Philosophes & Medecins que tout ce qui eft fous l'influence des aftres, tient la composition des quatres elemets, voire nostre corps dans sa structure à tant d'analogie auec eux que nous en voyons l'idée dans son suppost, puis que les os , ligaments , & cartilages fymbolisent auec la terre, nos humeurs auec l'eau, nos esprits les plus cípois & plus cras auec les vents & l'air, & ceste chaleur tant influente que née auec nous auec le feu. De rapporter icy les opinions d'Empedocle, Democrite, Aristote, Hipocrate , & autres touchant le mellange des elements pour la generation de nostre individu caduque & periffable, & la reuerence queles vas ont apporté au feu comme les Chaldæens, les autres à la terre comme les Phrigiens, & les autres à l'eau comme les Aegiptiens ce n'est pas ce que i'ay entrepris ayant seulemet deliberé de parler laconiquement de l'eau qui est vn corps simple au moins en euidence, reuny en sa froideur, & premier sujer de froideur; vn des elements & aliments le plus necessaire non seulement à la production de ce microcolme, mais aussi à la conservation & prolongation de son estre ; aussi voyons nous qu'auparauant que le Ciel eust desbandé les cararactes de fon indignation par vn deluge vniuersel pour la punition de nos desloyautez, que nos ancestres n'audient point de plus delitieux nectar que l'eau, & cependant ils viuoient des centaines d'années, où dans le siecle present ne nous contentant pas de sa

Ci

boisson, nous ne sommes pas dans l'orient de nos iours, que soudain sans en voir le Midy, nous en esprouuons yn Occident sort proche.

Maisce n'est pas assez de sçauoir quelle est necessaire, ie veux maintenant vous faire voir qu'il y en a de plusieurs façons! Les vnes sont composées, & reçoiuent par la main de l'industrie le messange de quelque matiere comme quand nous y meflons du sucre, du miel, ou autres chofes, & nous les appellons artificielles; Les autres sont simples qui ne reçoiuent d'autre artifice que de celuy de la nature, comme sont les eaus de pluye de riuieres, de marets, de puits, d'estangs, de lacs, de fonteines, que Galien nomme naturelles: & de ces naturelles les vnes sont tres-pernitieuses,comme l'eau du lac d'où prouient Asphaltus, qui à sa source exhale vne

odeur si fœtide quelle tuë les animaux qui passent aux enuirons, & fait tomber les oiseaux qui volent au dessus, tellement que les hommes n'ont la hardiesse d'en aller voir la fource pour l'infection exceptez les Eunuques qui sans peril la peuuent visiter. L'eau de ce mesme lac meslée auec fable, argille ou autre terre, faict vn bitame, ou ciment si glueux & fifort, que le fer & l'aymant ne sont pas plus durs, & ce fut de cette matiere que les murs de cette superbe Babyloine furent construits. Il fe trouue vne fonteine en l'Isle d'Eceas, laquelle desmonte le cerueau, hebede les esprits, stapesie lessens. Nous en auons en ces quartiers qui dans l'apogée d'vne excessiue froideur petrefie dans fort peut de temps le bois qu'on y met, & cause assez souuent des accés furieux de colique à ceux

qui temereres imprudents en boiuent au sortir de la source. Albert le Grand, Pline, Georgius Agricola, & les autres fidelles secretaires de la nature en font mention d'yne Iliade que ie vuos produirois si ie n'auois crainte da buser de vostre loisir. Les autresne sont pas simplement bonnes, mais necessaires, nous seruant de celles-cy qui ne reçoiuent aucune alteration, non pas pour reparer la deperdition de cette substance solide, & spirituelle qui se faict en nostre corps, mais cette substance humide & radicale qui ne perit pas, mais qui déperit de jour en jour ; des autres. qui par le moyen des mineraux possedent quelque facultez medicamenteuses, pour la reparation de nostre fanté. Et si jamais l'Antiquité c'est monstrée recommandable dans la curiosité, ça esté dans la recherche quelle a faict des eaus minerales, fe laissant emporter à des despences inconceuables pour en auoir les sour-ces, perçant quelques sois des montagnes, & failant faire les conduits, repairs, & lieux destinés pour les receuoir d'estofe tres-rares comme de porphyre, marbre, jaspe d'argent &c. l'ylage aussi luy en estoit si or dinaire, & fur tous aux Romains que dans leur luxe ils ne jouissoient point de plus supréme contentement, & dans leurs maladies ils n'auoient point de refuges plus affeurez que ces remedes: c'estoit le panacée qui suruenoit à tous les symptomes qui pouuoient alterer leur fanté: aussi voyons nous que le debonnaire Trajan sur chargé d'aage, & d'vn monde d'incommoditez qui suiuent les guerres en croupe, le fit conduire aux eaus minerales de Selucia, pour receuoir

guerison, & cestEmpereur valeureux qui porte le nom de Grand, vn des plus rayonnants flambeaux qui ait esclairé nostre France, voulut finir la trame de ses beaux iours en vn Palais qu'il fit bastir en Prouence prés vne fonteine Minerale. Tellement qu'apresl'antiquité, nous ne pouuos manquer à nous seruir de celles que la nature departit à nostre France, entre lesquelles on peut maintenant tenir les nostres. Les mineraux qui fraternisant auec elles leurs font produire tant de belles actions, sont le vitriol, le bitume & plus que pas vns le fer, carl'eau (comme ce fabuleux Prothee (estant susceptible de toutes fortes d'impressions, il est à croire quelle emprunte les qualitez des matieres par où elle passe, ce qui fait tenir à quelques vns que dans les lieux fecrets, & espaces vuides de la terre, il va des exhalaisons, vapeurs, & fumées, qui eschauffées par le moyen de la chaleur sousterraine, leur impriment quelque qualité. La seconde opinion de quelques autres Naturalistes n'est moins considerable, qui dict que l'eau se baisottant, & farrestant long-temps auec les metaux, il se faict vne encyclopedie & mariage indissoluble de leur puissance, & tout ainsi qu'vn fleuue desbor, déd'un cours impetueux, & precipité va ruinant, & rauageant ce qui s'oppose à la violence, & cout triomphant emporte quant & foy les defpouilles de sa victoire tyrannique, de mesme maniere les eaus, apres auoir sejourné auec les meraux, en arrachent les vertus, voire mesme bien souuent par vne douce contrainte elles en rauissent les fibres, & quelques paillettes. D'autres asseurent que les mineraux n'ont pas tant de durcié dans leur mine, veine ou lieu naturel; estant mols, communicables, & pliables, que lors qu'ils font dehors, & qu'ainfiles eaus auec plus de facilité sont capables d'en retenir quelques proprietés: mais ces moiens font si foibles & peu prefsants que ie croy qu'en s'elloignant dans leurs roullement de la presence de ces vapeurs; & esprits, elles en quitteroient aussi les auributs & perfections. Il est plus probable que leurs conduits estants dans la sphere de l'actiuité du feu caché dans le fein prolifique de la terre, les mineraux quisy trouvent font tellement fondus auecl'eau que ce n'est plus qu'vn melme corps, melme substance, & vne melme forme qui les vnit, de forte qu'il ne faut pass'esmérueiller si nos eaus dans leur cours naturels, s'alliants d'une enchaisneure si estroitte, ou plustost s'unissant, & s'incorporant auec ces mineraux de bonne récontre, enfantent de si miraculeux

prodiges 200

La fauer est vn des telmoignages par lesquels nous sommes ascauantez que la substance des mineraux est mellée auec nostre liquide cristal, qui est acide, & piquantla langue, indice de la presence du vitriol. Car les elements de foy n'ont aucune saueur, & tant plus ils sont purs, tant plus en sont exempts, auffila mixtion est la mere des saueurs, & leur naissance procede de l'alliance d'vn corps terrestre auec vn humide: ou tout au rebours d'yn humide auec yn terrestre ; & de cette façon tant plus les eaus sont pures & moins meslées, tat plus sont elles sans goust, & auoisinent de plus prés la naturelle pureté de leur estre elementaire; ou par les moyens contraires elles acquierent de la faueur, ou parce quelles sont mslees auec vne terre insipide, & cuite par vne mediocre chaleur, ou bien qu'elle arrousent vne terre douce d'vne insigne & manifeste saueur, en des metaux, ou qu'elles s'abreuuent & s'imbibent de quelques sucs liquides & sauoureux, ou en dernier ressort qu'elles sont infectees de quelques exspirations ou vapeurs. L'odeur de la fange ou bouë qui comme vne hipostase reside, & croupit dans les sources, represente assez naïfuement le bitume; de surplus nous voyons affez fouuent fur la superficie lors qu'il y a long - temps qu'on ne les a agitees, non pas l'ouurage present de cette presomptueu. se Arrachne, mais quelque portion de matiere huileuse qui luy ressemble variante de couleur selon le mouuement du Soleil. Son goust est tout à faict ferragineux, & si la naturelle. peinture des lieux par où elles passent manifeste sa realité. Quelques-vns de nos Apotiquaires m'ont asseuré qu'ils en auoient faict la distillation à loisir auec vn feu grandement mediocre de peur de leur imprimer quelque empyreume, & ofter toute occasion de soubçon qu'on pourroit auoir, que les qualitez des faces tirent leur origine de l'aspreté de la chaleur qu'onleur a donné en les distillant, & qu'ilsauoient trouué du vitriol, & du fer; pour le bitume, il est presque imperceptible à cause de sa tenuité de substance, parce que seruant d'aliment au fer sousterrain, il est cause de l'assemblage des metaux auec les eaus aidant à les fondre & allier tres-estroitement: & suffit que dans les expe-

rieces il faict ressentir des tesmoignages de son pouvoir. Il est assez facile à croire qu'ily a encores d'autres matieres qui leur impriment quelques qualitez comme pierres, fels, metaux, fucs &c. jaçoit qu'elles n'en retiennét aucune odeur ou faueur: mais parce qu'il n'est aisé d'en juger qu'aux effects, qu'apres la suitte d'vne longue experience, ieles ay passé soubs l'obscur voile du silence, crayonnant legerement ceux qui predominoient. म वेशी में हर ले कराव दी होट में पूर्व किया है।

aderec arter debitant se criticis or north of province as a criticis or north of the complete and the complete as a criticis or the design of the complete as a criticis or the complete are and a criticis or templage desirectar on a criticis of templage desirectar on a criticis of tensener. So the criticis of tensener. So the criticis of tensener.

La qualité des Mineraux quise messange dans nos Eaux.

Price on email when our Board TL est tres-certain que ce Grand Dieu qui de ce beau mot amphafique, Fiat, composa, & moula tout ce qui est au monde, en forma aussi les metaux, & autres choses precieules comme ils tombent maintenant sous la captiuité de nos sens, & donna à la nature le moyen de les perpetuer, ayant disposé pour cest esfect quelques matieres pour en receuoir les formes, afin que par succession de temps ils ne vinssent a nous maquer, & qu'ainsi ne soit nous voyons (s'il est vray ce querapporte ce graue Historien des antiquitez Iudaiques Ioleph) que ce premier fratricide que iamais la terre porta estoit passionné

apres l'argent, & ceste Reyne belliqueuse Semiramis plus vaillante que la Pantasilée des Amazones apres auoir subiugué les ennemis enuoya les captifs dans les mines metaliques. Il est vray que la negligéce des Autheurs n'a pas fait mention des lieux où ils furent trouuez, & croyt-on que le premier qui en designa les places fut Cadmus Roy de Tyr, qui dans le mont Pangaius fit la descouverte de ce beau metal qui palit, & iaunit dans la iuste apprehension qu'il a de se veoir tant de poursuiuants, & Pandion possesseur de la Souveraineté des Atheniens, eut la gloire dans la Crete d'y receuoit le fer & d'autres metaux. le pourmenerois volontiers la courtoifie des curieux dans le champ spatieux de la diversité des sentiments de ceux qui ont escrit de leur composition, pour leur produireles

2.7

re les aduis de ce Diuin Maistre du Grand Alexandre, qui tenoit que leur matiere estoit vne expiration, ou halainement; des Chimistes le soulfre &le vif-argent ; de Gilgil de Moritanie vne cendre mslangée auccl'eaus d'Albert vne humeur grace i mais ce seroit m'esloigner par trop du fil de mon descours, ie diray seulement que la varieté de leurs couleurs procede de la diuersité des sucs, & que les causes formelles de ces corps sousterrains selon le jugement d'Aristote & Theophraste, est la froideur & la chaleur. Îl est vray que les loix de mon dessein ne m'auoient pas obligé à particulariser ces choses, ny à vanter le pouuoir energir des mineraux, qui dans la mixtion de nostre moite element tiennent yne empire par deffus les autres, mais l'espoir que l'ay eu de faciliter la creance de leurs effects m'y a faict adjoufter ceslignes, afin d'ofter la taye de l'eftonnement à ceux qui liront les maladies à quoy nos caus tonc vtiles:

Le fer est tellement triuial & necessaire pour l'acommodement des homes, que pas yn d'eux nele mecognoist, encore qu'il soit en plusieurs façons considerable: car tantost nous luy faisons tenir le nom de son genre, tatost nous l'admiros fondu, & couerty dans l'vlage des instruméts deguerre de chirurgie, dejardins&c. &tatoft lors qu'il est le plus espuré & afiné, nousluydonos leno d'acier, & c'est de ce denier que ce prepare vne poudre tắt prifée des Chimistes qu'il appellet crocus martis. Toute espece de fer a vne qualité corroborative, stypsique, desiccatine, & rafraichissante ( & cest ce qui faict acrediter les eaus de Forges ) sa rouillure a les mesmes

conditions, & est tres-propre pour garir les viceres. Galien au neufielme liure des simples commande de s'en seruir, pour amener les viceres des oreilles à vne cicatrice. Telephus Roy des Mysiniens, blessé par ce valureux fils de Thetie Achille fut guari par ce remede: fon marcque nous apelons machefer subtilement puluerisé, cuit dans du fort vinaigre, & reduit enforme de linimerablorbe l'humidité des oreilles boueuses, sa secode qualité ouure, incise, attenuë, & se faict passage dans les destroits les plus reculez des petites veines capillaires, c'est pourquoy dans la suppression du flux menstrual, dans les passes couleurs, & dans les opilations l'vlage de la limature d'acier nous est familier. A

Ce n'est pas seulement aux fonteines Thermales que le bitume est comme la cause du concours & mix-

tion des autres mineraux, mais c'est aussi particulierement aux froides qui contribue quelque chose de son pouvoir ! ce mineral est comme vne graisse de la terre qui se tient mol, & liquide durant qu'il nage dessus l'eau, tel est celuy qui se trouve en Suisse, mais si tost qu'il en est separé il s'espoissit, & s'endurcit; ils'en rencontre de plusieurs sortes, l'vn est terrestre, facile, solide & limonneux qui vient de ludee, & on en faict de petittes figures que les pelerins portent à leurs chapeaux, l'autre est liquide & fluide qui se nomme Naphte; qui est comme la cole, & le ciment des Babiloniens: Posidonius asseure que ce bitume liquide qui fluë aussi dans la Mesopotamie, n'est rien autre chose que du soulfre liquide; Il est different en couleur, l'vn est blanc, l'autre cendré, comme celuy qui vient dans vn petit bourg de l'Arabie heureuse, lequel estant congelé, est pris des Arabes pour de l'ambre : toutes ces especes ont tant de parentage, & de sympathie auec le feu qu'à la moindre a proche ils s'vnissent & trasformet en une mesme substance, aussi est-ce de cette matière qu'on compose le feu gregois, qui brusle dans la contrarieté de son element. Les Naturalistes font mention de plusieurs lacs bitumineux, entre lesquels la mer morte doit posseder le premier rang pour sa grandeur, elle est ainsi ditte, parce que l'eau croupisante de son sein, espoisse, fœtide, ne peut rien fouffrir de viuant, ny n'est iamais oragée ny agittée d'aucune bourafques. Le pouuoir du bitume est de resoudre, amolir, assembler, tirer dehors: son odeur & application de la substance est tres-propre aux suffocations de la mere: son parfum est tres-excellent à la gratelle, aux prurits, & demangaisons du corps, & aux dartres. La Naphte qui en est vne espece, & qui peut adjouster quelque perfection à nostre element, resoult, incise, attenue; & consomme en quelque part que ce soit les humeurs froides & crasses, elle apporte secours à la resolution des ners; aux trembleméts, & maladies des jointures procedantes de causes froides.

Le troisses mineral est le calcantum, ou virsol ainsi nommé à cause de la correspondance de sa couleur claire & luisante cóme le verre: Dioscoride nous en represente de trois sortes; deux agencez de l'industrieuse main de la nature, dont le premier est congelé & espoissy dás les entrailles de la terres le second se faict de certains humeurs qui degouttent dans

les fosses & mines; & l'invention de l'autre que nous disons couperose s'acommode en Italien, Alemagne, Efpagne, Angleterre & autres pays. Celuy duquel nous nous feruons en la Medecine est du blanc, & naturel qui vient de Cypre; & les Chymistes tiennent qu'il prend sa naissance du soulfre & du mercure ; & pour cette occasion, sans le soubatement d'autres raisons, ils s'en seruent contre toute raison, à toutes sortes de maladies; ils en distillent aussi yne yne liqueur aigrette, de laquelle si vous meslez quelques gouttes auec le sirop violat, ou infusion de roses vous leurs donnerez vne teinture & faueur tres-plaifante; les Apotiquaires en font l'emplastre diacalciteos. Galien Dioscoride, & Paul Aeginette n'ontnulle mentignoréses forces : car ils asseurent qu'il eschauffe, qu'il adstreint &

desseiche: il est emelique, escarrotique, & faict mourir les vers larges du ventre, detrempé en eau, & distillé és narrines auec yn peu de coton, il purge le cerueau; on se sert de son huile ou essence, que les Chymistes. tirent par voye de sublimation dans la peste, dans les opilations du mesentaire, contre les poisons des chãpignons, & mille autres incommoditez. Ce seroit vouloir retistre l'ouurage de l'antique Penelope, que de rapporter ce que peuuent ces mineraux, ie me contenteray de dire que dans la fortunée conspiration deleurs fumée, vapeurs exhalaifons, esprits, maissur tout de leur propre substance, il fe faict vn affemblage tres-parfaict, duquel nos eaus tirent des proprietez que mille effects font retenencegninel forcial cacic afficia

## Des Maladies quelles guarissent.

TEne veux pas icy encherir sur la presemption du fils de Clymene, en vous promettant de vous déduire toutes les maladies à quoy nos eaus sont profitables; vn des plus mignos, & fauorisez de la nature s'y trouveroit court, c'est pourquoy il voussuffira de prendre, & d'appredre ce que l'experience nous a descouuert, & quelque chose de ce que les autheurs ont escrit de leurs semblables comme sont celles de Spa, Neuers, Forges, &c. Le pouuoir & faculté de ces eaus en general, est de rendre libre, & meable les vaisseaux qui sont estoupez, soit par du grauier ou pierrettes raboteusesssoit par des humeurs espois, lents glaireux, visqueux, qui s'attachét interieurement aux conduits; soit quelquefois par vne humidité qui abreuuant le vaiffeau l'enfle, & le rend plus estroit; soit par vne intemperie hectique de sa propre substance qui le fait restrecir. La tenuité de leur substance, la vertu desiccatine, & detersine quelles possedent leurs donnent de l'inclination à se porter dans les parties naturelles, comme au foye, à la ratte, à la vessie du fiel , au mesentere, aux reins, vreteres, & aux hypochondres, passages ordinaires où se ferment les opilations, elles sont vtiles à ceux qui ont l'estomach naturellement froid & indigest, resueillant les esprits, & la chaleur naturelle qui estoit laguide, foible, & comme amorrie. Les appetits deprauez qui ne desiroient que des aliments de mauvais fuc, & d'vne difficile distribution, come plastre, 37

cendre, charbons, fel, vinaigre, bled, paticeries (fymptomes familiers aux filles & femmes qui n'ont leurs purgations, & à tous ceux qui ont l'estomach cacochime & farcy d'humeurs vicieux, corrompus & pourris) perder le souvenir de toutes ces viandes, toutes les intemperies chaudes des reins, de la rate, des hypochondres, du foye, de la mere, simples ou compliquées en ressentet de la commodité, lespasses couleurs, la suppression des mois, les hydropiques s'en trouuent foulagez; elles tempe; rent la trop grande ardeur des elephantiques, & de la gratelle causée par l'adustion des humeurs : Elles guarissent les tumeurs schirreuses du foye, de la rate, dans leur commencement. Les melancholiques, mais entre tous, ceux qui se fantasioient dans leur composition de verre, de

Fi

terre, &c. s'y trouuerront tissus de nerfs, veines, arteres, os, & ligamets: ceux qui auoient perdu par le moyen de cest humeur aduste, & brulé leur teste, la parole, le manger, & la inite dimention de leur nez, y recouurent ce qu'ils pouvoient souhaitter; elles font antipatiques aux vlceres chancreux, phagedeniques. Le flux du sperme involontaire simple, ou celuy qui tire son origine des embrassements impudiques d'yne lubrique Venus, quenous appellons chaudepisse en est arresté, les pierrettes qui felioient & alioient par le moyen des mucolitez, & qui n'ont acquises de dureté par l'intemperie chaude des reins, y rencontrent leur dissolution. Le grauier en est mis dehors; les coliques de Poictou (affez communes en ce pays ) enfantées par vn humeur bilieux qui bien souuent par

vn rapt, ou transport se jette sur les parties nerueuses pour engendrer des paralisies en sont secourues. Les exemples, & les experieces nous touchent ordinairement dauantage que les discours persuasifs inçoit que pleins de verité, ce qui me fait resoudre d'en noircir ce papier de quelques vnes a secon a lemban liertal

Cét esté dernier Monsieur Iobert celebre Medecin de ceste ville, qu'vne longue experience rend recommandable dans tous ces quartiers, fut appellé pour aller voir quelques religieuses malades dans l'Abaye de Nostre Dame de Soissons, entre les quelles il en trouua vne nommée Madame Scharon, dont les fonctios de l'esprit, & du corps à cause de l'estroitte parentage de l'vn & de l'autre, estoient si languissantes, la viue couleur de tout son visage & de tout

son corps si changée, qu'encor que comme vne Vesta elle fut desia enseuelie dans ce Monastere, non pas pour la conservation du feu sacré, mais pour le service, & l'adoration d'vn Dieu Eternel vnique & Tout-Puissant, elle l'estoit neantmoins derechef plus estroittement dans le linceuil naturel de sa peau toute teinte d'vn verd tout bafané, tellement qu'on peut dire qu'elle n'estoit pas feulemet morteau monde spirituellement, mais aussi corporellement: il luy propofa apres quelques legers remedes l'vlage de nos eaus, & pour ce faire ils m'enuoyerent vn messager pour leur en faire tenir ce que ie fis auectoute sorte de diligence! le porteur retourné de sa commission, elle s'ensertsous l'esperance de se voir rauiuée par vn remede naturellement innocent? elle ne fut deceye en son attente, ains fut entierement deliurée de tous les fascheux accidens qui la tyrannisoient.

L'extréme violence d'yne colique nephritique, a contraint cest année cy deux Religieuses d'Auenay de s'y transporter pour en appaiser les douleurs.

Monsieur le Mercier Docteur en la faculté de Paris, duquel le fais mention pour sa rare doctrine, pressé d'vne ardeur d'vrine se trouve fort bien de ce delicieux breuuage, & en ordonne assez frequemment à ceux qui en ont de besoing.

Deux de nos reuerends Peres Minimestrauaillez, l'yn de la grauelle, l'autre d'yne vleere dans la yeisse, s'en sont seruy deux années consecutiues, auce yne issues fortunée, consecutiues,

Monsieur Gaudailler Lieutenant Criminel de robbe courte, plongé

dans la melancholie, & subiet à vne intemperie de rate, en a ressenty de l'alegement. Tous les habitans de ceste ville, & des lieux circonuoisins y accourent sans en estre incommodez, & n'ay encor entendu personne qui en ayt esté mal traitté; ie sçay des villageoises qui en ont jetté plus de vingt pierrettes. Monsieur de Boulage qui est dans la reputation d'vn des braues Gentilshommes de ces quartiers, & qu'vnelonguelecture, & viuacité d'esprit rend tres-admirable, proteste que les eaus de Spa qu'on luy apportent, n'ont iamais esté si fauorables à sa colique graueleuse que les nostres. Monsieur de Giury, & vne multiplicité d'autres Gétilshommes de nos voisins en enuoyent querir tous les ans. Ban of The me and

I'ay veu vne pauure hydropique atrachée si fortement par des cloux plus que diamentins à vne dure & defolable necessité, que ne pouvant faire d'autres remedes, s'est precipitée auec tant debon-heur dans le sein pitoyable de nos Nayades, qu'elle en est retournee saine, auec vn exain de mille faueurs. Je croy que le temps, & l'experience leur donnera plus de credit, que ne fera d'auersion, le distique de ce rimeur compagnó, peur estre de Silene, ou sommelier de son maistre qui dit,

Vina bibant homines animantia catera fontes,

Absit ab humano pectore potus aque.

Section of the second

Mary Committee of the C

De la preparation parauant que de boire des Eaus Minerales.

TL faudroit auoir fait vne perte trop sensible de son iugement, pour le figurer qu'on peut sans aucune preparation se licentier dans le breuuage des eaus Minerales, veu que les facheux euenements qui en procedent, comme sont l'impureté des vaisseaux, enflures de diuerses parries, douleurs de teste, paresse du ventre durant les premiers jours, &c. nous acertainent le contraire. Mais parce qu'il y a vne grande disproportion,& differece dans les habitudes des corps, aussi leurs compositions sont tout à fait diuerses, & sont pour ceste raison necessitez à auoir vn particulier preparatif que leur Medecin accoustumé leur prescrira, ou quelqu'vn du lieu, selon qu'il iugera necessaire: pour moy ie me suis proposé d'en faciliter quelques vns pour ceux qui ne seront pas autrement attaquez de mal, & de donner quelques signes diagnostiques par lesquels ils se pourront rendre sçauants dans la notice deleur naturelle temperature, a sin qu'ils sçachent s'ils ne veulent prendre l'aduis de qu'elqu'vn ce qui leur sera propre.

Les replets ou plethoriques serendront pal pables en ce que d'as leur sormede viure, ils se seruent d'alimis qui engendre beaucoup de sang, la viue couleur du cinabre, se marie naisuement auecla blacheur de leur visage, la mesnagerie du corps, du cœur, & du soye est temprée, & moderément chaude & humide, ils sont d'vne humeur douce, assable, maniable, jouialle, sujects aux hemorragies, ou

Gi

perte de lang, soit par le nez, par la bouche que par d'autres endroicts, leurs veines sont tellement tendus, gonflees, & plines de lang, qu'il est à craindre qu'elles ne se rompent, ou bien s'il n'excede, il ne laisse de passer pourtant la portée de leurs forces, & ceux là seront preparez, comme ie vais exposer. En premier lieu, le soir principalement si leur ventre est paresseux, ils se feront donner vn laues ment, faict auec mauue, guimauue, violiers de mars parietaire mercurial, laictue, chicoree, melilor, diffudant dans la decoction, miel violat, electuaire leuitif, beurte fraits; le lendemain, ils se feront ouurir la veine, puiss'il est de besoing, le pourront purger , auec de la casse, ou ele-Quaire lenitif &c. stimul 3 sh can

Ceux où l'humeur choleric & bilieux excedera ce que tesmoigner out

14 0

la promptitude en leurs actions, la facilité à sa cholere, la viuacité d'esprit, les veilles frequentes, les songes pleins d'inquietudes, la celerité du pouls, la bouche amere, la soif, grande, l'yrine auec fort peu d'hypostale, & l'inclination aux maladies bilieuses, come sont le cholera morbus, l'eresy pelas, les fiévres ardentes & tierce feront purgez comme s'ensuite en vne decoction de racine d'ozeille, de chicorée, de pissenly, chiendan, fueilles d'endine, scariole, aigremoigne, chicorée jaune, dent de chien, laicteron, capilaires, semences froides : faictes boilillir thamarins , quelquefois des myrabolans cittins, & sil est necest faire, infuser de la rhubarbe, puis diffoudez felon l'aage & les forces, ly+ rop de roses, electuaire lenitif, syrop de fleurs de perche, & quelque electuaire cholagogue, principalement à ceux qui meinent vne vie laborieule & penible, car ceux qui font vne vie sedentaire doiuent se feruir de catharites, les plus doux & innocents.

Les Melancholiques qui trainent vne vie, dont le fil n'est composé que de foing, de foucy, de trifteffe, fans le resiouir, se rendront euidents par leur temperament froid & fec, & quelquefois chaud en leur comencementileur rate est enflée, la chaleur naturelle laguide, ils sont tardifs, à se fascher mais depuis que cette humeurest échaufée, il ne s'apaisse pasfacilemet, leur regard est affreux, horrible, morne pensif, triste : leur face plombée, la solitude & solicitude sont leurs deduicts, ils font fermes, opiniaftres,& resolument obstinez dans leurs propolitions, fi quelque chose, durant le sommeil; se represente dans leuis fantailies, ce ne sont que spectres, que

courments, que maux, què morts, que sepulchres, que fantosmes noirs; ils font sujects aux fiévres quartes, hemorrhoides, varices, opilations de rate, scirrhes. Ceux-cy seront preparez par lauements, emoliens & detersifs, puis purgez auec vne decoction splenique, faicte auec escorce de caprethamaris, fresne, racine de po'ipode, sommitez d'oublon, feuilles de buglose, bouroche, soucy, fumeterre, scolopendre, melisse, ceterac, passule, semence de citron, myrobolants d'inde s'il est besoing fleurs de buglose, sené, dissoudant catholicon, syrop de sabor & confe-Ction hamech, ou electuaire de citron solutifaux plus robustes , faisant la decoction dans du petitlaice. nous le

Letemperament froid & humide, est celuy despituiteux, où phlegmatiques, qui se feront paroistre, par le viure, qui est tout à faict dans le desreiglement, mangeant, & se remplissant à toutes heures, parauant que le ventricule ait faict sa digestion des viandes, leur vie est pleine d'oissueté, leur veines & arteres sont fort estroittes, ne contenant pas beaucoup de fang, n'y d'esprits, l'estroitte liailon del'ame & du corps rend leurs fonctions esgallement paresseuses & pesantes, les sens sont comme esmoussez, & stupefiez, l'esprit est lourd, les veines blancheastres, pasles, espoisses, troubles, auec beaucoup de sediment, si leur imagination diuague, & est agitée durant le gracieux repos de la nuict, ce ne sont que tempestes, que pluies, que neiges, qu'inó-dations, qu'elle se represente: les maladies qui les tourmentent font rhumes, fluxions, distilations, catharres, œdemes, fiévres quotidianes, &c.les

remedes qui profiterot à ces derniers, seront el yltées faicts auec decoction d'herbes chalastiques & cephaliques, & pour inciffer les phlegmes, leur decoction purgative sera preparée auecracines aperitiues, bougrande, marubion blanc, marjolaine, betoine, origan, mente, pouliot, brin d'hiffope, semence de chartami, semence maieur chaude, sené, turbith, obseruant la forme & qualité requile selon l'aage & temperament du suiect dans laquelle on diffoudra, syrop de roses, composé auec agaric, electuaire diaearthamy, benedicte, laxatine, l'electuaire de citro solutif. Il faut noter que la seignée ne sera point à negliger dansles constitutions cy dessus mentionnées, si parmy la cacochimie le corps paroist replet & pletorique.

De ce qu'il faut observer durant l'vsage des Eaus Minerales.

VICONQUE voudra rece-Quoir du soulagement dans la possession des mignardes caresses de nos Nayades, en ce desalterant de leurs froides liqueurs, doit noyer das les ondes obscures du fleuue Letheen toutes les passions de l'esprit, le chagrin, la cholere, la melancholie, le traquas des affaires serieuses, & ne plus auoir de souvenir que pour le ploger dans de louables contentements, afin qu'apres le retranchement des choses nuisibles à l'esprit & au corps, on puisses employer auec plus de liberté à la boisson des eaus, ce qu'on fera auec l'espoir d'vne meilleure attente, si la saison de l'année est chaude & seiche, durant laquelle on peut seulement auec plus de profit s'en seruir. Le matin est le plus commode, vne heure ou deux apres qu'vn rayon doré de ce bel œil du monde aura desseichéles vapeurs humides de la terre. La quantité ne se peut definir, elle sera selon la grandeur de la maladie, où le pouvoir & la capacité de l'estomach, commençant parvne mediocre quantité, & augmentant petit à petit. Ceux qui ne peuuent boire se prouoquentauec vn peu de fenouil, ou d'anis simple, ou du confit de Verdun. Il fera tres-vtile lors qu'on aura beu de se pourmener, afin de faciliter la distribution des eaus dans les veines du mesentere, & de là dans la veine porte, puis dans la substance gibeuse du foye, dans les emulgentes, dans les reins, vretaires, vessie, & quelquefois par les intestins & autres

Hij

passages; ily en a qui ne les peuuent rendre que dans le lict, & si pour aider ils se garnissent l'estomach de bonnes servietes chaudes. On se gar. dera de se remplir durant leurs vsages que d'aliments de facile digestion, le rosty sera preferable au bouilly, on euitera toutes les viandes qui engendrent vn lang espois, terrestre, melancholique, & plein de cruditez : le sauoureux suc du bon Pere Bachus n'est nullement defendu pourueu qu'il foit blanc ou fort clairet, & trempe d'eau qui ne soit minerale. On disnera trois ou quatre heures apres, & pour le dessert on se seruira de biscuit, d'anis confit, d'amendes, & de quelque poudre digestine propre aussi à dissiper les vents. Le soir on se chargera l'estomach de peu de viandes, Soupant peu afin que la digestion soit tost faite, & le lendemain matin le ventricule vuide pour boire; les pourmenades durant le iour à pied, à cheual, en carosse, l'entretien recreatif, les danses, & tout exercice quise tiendra dans les bornes de la moderation profiteront beaucoup. Lors qu'on en aura pris douze ou quinze iours on se pourra purger auec de la manne de calabre dissoure en vn bouillon de veau ou autre medicament benin & hydragogue, retirant encor la mesme purgation à la fin.

Ques'il arriue que ceux qui prennent des eaus au lieu d'estre foulagez, tombent en quelques maladuétures, comme estoussements, suffocations, difficultez de respirer, ensures siévres, & renuersement de toute l'œconomie du corps, il faudra considerer si dans les vingtquatre heures ils rendent à peu pres ce qu'ils auront beu, parce que tous c'es accidents tirent ordinairement leur naissance, de l'empeschement de la liberté de ces caus, qui ne peuuent se despestrer des plis & replistortueux, & plus que labirinteux des veines capillaires remplies d'impuretez. C'est pourquoy il sera besoing de s'abstenir de leur vsage, iusques'à ce qu'on ayt pourueu, auec l'aduis du Medecin à euacuer ce qui est preiudiciable.

The state of N.